

楚归晋知瑩

成公三年

左 传

晋人归楚公子谷臣与连尹襄老之尸于楚、以求知

去声、瑩。

英、○宣公十二年、晋楚战于邲、楚囚知。

知庄子射楚连尹

襄老、载其尸、射公子谷臣、囚之、以二者还。庄子、知父也。至是晋归二者于楚、以赎知。

于是荀首佐中军矣、故楚人许之。

荀首、即知庄子、是时为晋中军佐、楚人畏其

权要、故许归其子。

王送知 曰、子其怨我乎。

指久留于楚言。

对曰、二国治戎、臣不才、不胜

升、其任、以为俘孚、馘。

国、○俘馘、军所虏获者。系其人曰俘、截左耳曰馘。

执事不以衅

欣去反、鼓、

使归即戮、君

之惠也。

以血涂鼓曰衅鼓、言楚不杀我而以其血涂鼓。即、就也。

臣实不才、又谁敢怨。

作自责语、撇开怨字、妙。

王曰、然则德我

乎。

指许归于晋言。

对曰、二国图其社稷、而求纾其民。

晋楚皆为社稷之谋、而欲纾缓其民。

各惩其忿、以

相宥也。

各惩戒前日战争之忿、以相赦宥。

两释累囚、以成其好。

去声、○累、系也。晋释谷臣之囚、楚释知

之囚、以成其和好。二国有好、

臣不与

去声、及、其谁敢德。

作与己不相干语、撇开德字。妙。

王曰、子归、何以报我。

问得有意。对曰、

臣不任

平声、受怨、君亦不任受德、无怨无德、不知所报。

言我未尝有怨于君、君亦未尝有德于我、有怨则报怨、有德则报德、我无

怨而君无德、故不知所报也。○臣怨君德、分贴得好。不知二字、更妙。
王曰、虽然、必告不穀。不穀、诸侯谦称。言虽是如此、必告我以相报之事。○共王一团兴致、被知说得雪淡、无可奈何、又作此问。

对曰、以君之灵、累臣得归骨于晋、寡君之以为戮、死且不朽。身虽死、而楚君之私恩、不朽腐也。○

客意、一层。若从君惠而免之、以赐君之外臣首、首其请于寡君、而以戮于宗、

亦死且不朽。称于异国曰外臣。首、荀首也。宗、荀氏之宗也。○客意、二层。○此虽二客意、然显见晋之国法森然、家法森然。若不获命、若君不许戮。○转入正意。而使嗣

宗职、使继祖宗之职。次及于事、以次及于军旅之事。而帅、偏师以修封疆、其父为上军佐、故曰帅偏师。修、治也。虽遇执

事、其弗敢违。虽遇楚之将帅、亦不敢违避。○一敢字、应上二敢字。其竭力致死、无有二心、以尽臣礼、所

以报也。忠晋即以报楚。妙。王曰、晋未可与争。重为之礼而归之。收煞得好。

玩篇首于是荀首佐中军矣、故楚人许之二语、便见楚有不得不许之意。德我报我、全是捉官路、当私情也。楚王句句逼入、知句句撇开。末一段所对非所问、尤匪夷所思。